

ՍՄԿԿ XXIV ՀԱՄԱԳՈՒՐՈՐԸ ԵՎ ՊԱՏՄԱԳԻՏՈՒԹՅԱՆ ԽՆԴԻՐՆԵՐԸ

Լ. Հ. ԲԱՐՍՅԱՆ

Պատմական գիտությունների դոկտոր

Սովետական Միության կոմունիստական կուսակցության XXIV համագումարը խոշորագույն իրադարձություն էր մեր երկրի, սոցիալիստական երկրների, ամբողջ համաշխարհային կոմունիստական, բանվորական և ազգային-ազատագրական շարժումների զաղափարական-քաղաքական կյանքում: Ինչ տրդեն դարձել է համաշխարհային տատմագրության սեփականությունը և դա միանգամայն օրինաչափ է, քանի որ մեծ Լենինի ստեղծած կոմունիստական կուսակցության համագումարները հանդիսանում են մեր ժողովրդի և ամբողջ համաշխարհային կոմունիստական շարժման տատմության մեջ դարադրուխ կազմող իրողություններ:

ՍՄԿԿ XXIV համագումարը, ի թիվս այլ հարցերի, մեծ ուշադրություն դարձրեց նաև հասարակական գիտությունների զարգացման խնդիրներին:

Համագումարին՝ Կենտկոմի տված հաշվետու ղեկուցման մեջ ասված է. «Պակաս կարևոր խնդիրներ չեն ծառայած նաև հասարակական գիտությունների առջև: ՍՄԿԿ Կենտկոմը հաշվետու ժամանակաշրջանում այդ հարցի առթիվ ընդունել է հատուկ ծավալուն որոշում: Ընդլայնվել և ճշգրտվել են ՍՄԿԿ Կենտկոմին առընթեք մարքսիզմ-լենինիզմի ինստիտուտի և հասարակական գիտությունների ակադեմիայի խնդիրները: Վերջին տարիներս գիտությունների ակադեմիայի սիստեմում ստեղծվել են մի շարք նոր հումանիտար ինստիտուտներ, որ հնարավորություն է ընձեռել ուժեղացնել ՍՍՀՄ-ի ու արտասահմանյան երկրների սոցիալ-անտեսական զարգացման պրոբլեմների, համաշխարհային հեղափոխական պրոցեսի ուսումնասիրությունը, բարելավել գիտական ինֆորմացիան: Հասարակական գիտությունների ավելի ու ավելի վճռական շրջադարձ դեպի այն պրոբլեմների մշակումը, որոնք հրատապ են ներկայի և ապագայի համար՝ ահա թե մեկ ինչ է հարկավոր»¹:

Հաշվետվության մեջ խոսվում է նաև այն մասին, որ «Մեր կուսակցությունը ջանքեր չի խնայում, որպեսզի ապահովի հասարակական ու բնական գիտությունների ամբողջ ճակատի բեղմնավոր ծավալումը»²:

Համագումարի որոշումներում ընդգծվեց, որ հաշվետու ժամանակաշրջանում ավելի է ակտիվացել ՍՄԿԿ-ի զաղափարական-տեսական գործունեությունը:

ՍՄԿԿ XXIII—XXIV համագումարների միջև ընկած ժամանակահատվածում սովետական տատմաբանները լուրջ հաջողությունների են հասել մե-

¹ Լ. Ի. Բրեժնե, ՍՄԿԿ Կենտրոնական կոմիտեի հաշվետու ղեկուցումը Սովետական Միության կոմունիստական կուսակցության XXIV համագումարին, Երևան, 1971, էջ 136:

² Նույն տեղում, էջ 134:

Հասարակության զարգացման պրոցեսի տարբեր բնագավառների ուսումնասիրության ուղղությամբ:

Համագումարը որոշակի նվաճումներով դիմավորեցին նաև սովետահայ պատմաբանները՝ գաղափարական պայքարի մարտական ջոկատներից մեկը: Բավական է ասել, որ այդ ժամանակահատվածում ՀՍՍՀ ԳԱ պատմության ինստիտուտը հեղինակային մեծ կոլեկտիվի ուժերով պատրաստել ու հրատարակել է Հայ ժողովրդի պատմության բազմահատորյակի ակադեմիական հրատարակության 7, 8 հատորները: Տպագրվում են 1-ին, 4-րդ և 5-րդ հատորները, ավարտվում են 2-րդ, 3-րդ և 6-րդ հատորների խմբագրական աշխատանքները:

Ստեղծագործական մեծ աշխատանք է ծավալվել հայրենական պատմության շատ կարևոր ու արդիական պրոբլեմների մշակման ուղղությամբ: Հրատարակվել են արժեքավոր աշխատություններ, որոնցում ավելի լիակատար ձևով է բացահայտված Վ. Ի. Լենինի դերը ՍՍՀՄ-ում ազգային հարցի լուծման, Անդրկովկասում սոցիալիստական հեղափոխության հաղթանակի, սովետական իշխանության հաստատման գործում և այլն:

Անդրկովկասյան երեք հանրապետությունների պատմաբանների համատեղ ուժերով ստեղծվել է Անդրկովկասում սովետական կարգերի հաստատման պատմությանը նվիրված արժեքավոր ուսումնասիրություն: Հրատարակության են պատրաստվել մենագրություններ՝ նվիրված Սովետական Հայաստանի բանվոր դասակարգի և կոլտնտեսային գյուղացիության պատմությանը:

Ավելի է ընդլայնվել պատմական ուսումնասիրությունների շրջանակը, սերտացել է պատմական գիտության և կոմունիստական շինարարության օրգանական կապը գաղափարական պայքարի արդի փուլի խնդիրների հետ: Նվաճումների որոշակի ցուցանիշներից են նաև սովետահայ պատմաբանների ելույթները միջազգային ու միութենական պատմագիտական կոնգրեսներում, կոնֆերանսներում ու սիմպոզիումներում:

ՍՄԿԿ XXIV համագումարը նոր կարևոր խնդիրներ դրեց սովետական պատմաբանների առջև: Դրանց իրականացումը առաջին հերթին պահանջում է խորը ուսումնասիրել համագումարի նյութերը, վերլուծել գիտահետազոտական աշխատանքի վիճակը, նշել պատմական գիտության զարգացման և պատմական գիտելիքների մասսայականացման կոնկրետ խնդիրներն ու հեռանկարները:

Կոմունիստական շինարարության հարուստ փորձի գիտական վերլուծությունն ու ընդհանրացումը եղել և մնում են սովետական պատմաբանների առաջնահերթ խնդիրներից: Նոր, վիթխարի պլանները պատմաբաններից պահանջում են է՛լ ավելի ակտիվացնել այդ ուղղությամբ տարվող գիտահետազոտական աշխատանքները:

ՍՄԿԿ XXIV համագումարի նյութերը պարունակում են պատմական կարևորագույն երևույթների ու պրոցեսների սկզբունքային գնահատումներ, դա առաջին հերթին վերաբերում է մեր հայրենիքի պատմության պրոբլեմներին: «...Մեր երկրում, — ասված է ՍՄԿԿ Կենտկոմի հաշվետու զեկուցման մեջ, — սոցիալիզմը հաղթանակեց արդեն 30-ական թվականների երկրորդ կեսին: Այդ ժամանակվանից ի վեր անցել է սովետական մարդկանց հերոսական աշխատանքի և պայքարի ավելի քան երեք տասնամյակ: Այն ժամանակվա մեր տնտեսությունը և ժամանակակից էկոնոմիկան հիմնվում էին միևնույն տիպի

արտագրահարաբերությունների վրա, միևնույն տնտեսական օրենքների՝ սոցիալիզմի օրենքների վրա: Դրա հետ մեկտեղ չի կարելի շտեմել այն նոր կարևոր մոմենտները, որոնք ժամանակակից էկոնոմիկան տարբերում են 30-ական թվականների վերջերի էկոնոմիկայից»³:

Այդ նոր կարևոր մոմենտներն են ժողովրդական տնտեսության միանգամայն նոր մասշտաբները, պլանավորման, կառավարման նոր ձևերն ու մեթոդները, գիտատեխնիկական հեղափոխությունը և այլն, որոնք և հանդիսանում են սովետական հասարակության զարգացման արդի պատմական փուլի առանձնահատուկ գծերը:

Պատմաբանների առջև լուրջ խնդիրներ են ծառանում՝ խոր ու համակողմանի ուսումնասիրել և իմաստավորել բոլոր սոցիալ-տնտեսական պրոցեսները, որոնք պարզանում են մեր երկրում և նրա սահմաններից դուրս՝ կապված դիստեխնիկական հեղափոխության հետ:

ՍՄԿԿ XXIV Համագումարը նշեց, որ համաշխարհային երկու սիստեմների տնտեսական և գիտատեխնիկական մրցակցությունը հանդիսանում է սոցիալիզմի և կապիտալիզմի միջև դասակարգային պայքարի ոլորտը, որի դերը այսօր խիստ աճել է:

Նոր հնգամյակի պլանների հաջող իրականացումը սովետական ժողովրդի նոր ավանդը կլինի սոցիալիստական երկրների տնտեսական հզորության ուժեղացման, համաշխարհային երկու սիստեմների տնտեսական մրցակցության մեջ նրանց դիրքերի ամրապնդման ընդհանուր գործում: Այսօր այդ պրոցեսների գիտական մանրազնին ուսումնասիրությունը մեծ կարևորություն է ստացել:

Պատմաբանները պետք է ավելի շատ զբաղվեն գիտության ու տեխնիկայի պատմության ուսումնասիրությամբ, որի վրա դեռևս անհրաժեշտ ուշադրություն չի դարձվում:

Նոր և նորագույն ժամանակաշրջաններով զբաղվող պատմաբանները երբեմն թույլ են համագործակցում առանձին գիտությունների պատմաբանների հետ: Ներկայումս գիտությունը վեր է ածվում անմիջական արտագրողական ուժի, և նրա զարգացման համար պահանջվում է գիտականորեն հիմնավորված սյուներ, որը պայմանավորված է ընդհանուր հասարակական առաջընթացով: Պատմաբանները պարտավոր են ամենագործարար մասնակցությունն ունենալ այդ գործում:

Այսօր սովետական հասարակության պատմության մասին նոր ուսումնասիրություններ դրել հնարավոր չէ առանց գիտատեխնիկական հեղափոխության պրոցեսների խոր վերլուծության: Ընդհանրապես, հեռավոր անցյալի պատմության ուսումնասիրության ժամանակ էլ անհրաժեշտ է մեծ ուշադրություն դարձնել գիտության ու տեխնիկայի պատմության հարցերին, բացահայտել նրանց ազդեցությունը հասարակական-տնտեսական ֆորմացիաների պարզացման ու փոփոխման վրա, ձգտել ավելի խոր ու համակողմանի լուսաբանել մարդկության պատմական զարգացման օրինաչափությունները:

ՍՄԿԿ XXIV Համագումարի որոշումների լույսի տակ ներկայումս անհրաժեշտ է ավելի հանգամանորեն հետազոտել գիտատեխնիկական առաջընթացի բազայի վրա հասարակական արտագրության աճի և աշխատավորու-

³ Նույն տեղում, էջ 59:

թյան նյութական բարեկեցության ու կուլտուրական մակարդակի բարձրացման միջև փոխադարձ կախվածության ուժեղացման պրոցեսը, որը սովետական հասարակության զարգացման կարևոր օրինաչափություններից է:

ՍՄԿԿ XXIV համագումարում ուշադրություն դարձվեց նաև սովետական հասարակության զարգացման այլ գործոնների, այդ թվում նաև մեր հասարակության սոցիալական կառուցվածքի փոփոխության վրա: Այդ պրոբլեմով, սակայն, մեր պատմաբանները դեռևս անհրաժեշտ չափով չեն զբաղվում: Այսօր անհետաձգելի պահանջ է դարձել՝ ակտիվացնել նաև այդ ուղղությամբ տարվող աշխատանքները: Առաջին հերթին գա վերաբերում է սովետական բանվոր դասակարգի պատմության ուսումնասիրությանը, որը առաջատար դիրք է գրավում սոցիալիստական արտադրական հարաբերությունների սիստեմում, ավելի ու ավելի է աճում նրա ազդեցությունը սովետական հասարակության բոլոր ոլորտների վրա: Անհրաժեշտ է ավելի հանգամանալից ուսումնասիրել բանվորների կուլտուրական մակարդակի աճը, նրանց քաղաքական ակտիվության բարձրացումը կոմունիստական շինարարության ներկա փուլում, բացահայտել այդ պրոցեսների փոխադարձ սերտ կապը:

Հատուկ նշանակություն է ստանում Միության բնակչության վերջին մարդահամարների տվյալների գիտական մշակումը, մարդահամարներ, որոնք արտացոլում են կոմունիստական շինարարության տարիներին սովետական հասարակության սոցիալական կառուցվածքի մեջ տեղի ունեցած հսկայական տեղաշարժերը:

Անհրաժեշտ է շարունակել և ավելի բազմակողմանի ուսումնասիրել բանվոր դասակարգի և գյուղացիության դաշինքի աճող դերը արդի ժամանակաշրջանում: Մեր օրերում ավելի ու ավելի է խորանում բանվոր դասակարգի, գյուղացիության և մտավորականության մերձեցումը:

Պատմաբանների խնդիրն է համակողմանիորեն ցույց տալ բանվոր դասակարգի առաջատար դերը կոմունիզմի նյութատեխնիկական բազայի ստեղծման գործում, գիտատեխնիկական առաջադիմության արագացման, տնտեսության կառավարման կատարելագործման մեջ: Անհրաժեշտ է ուսումնասիրել և ընդհանրացնել սովետական բանվոր դասակարգի աշխատանքային փառավոր ավանդույթները:

Տեսական մեծ նշանակություն ունի հաշվետու զեկուցման մեջ արված այն եզրահանգումը, որ «սոցիալիստական շինարարության տարիներին մեր երկրում առաջացավ մարդկանց պատմական նոր րեզիսանդուստև՝ սովետական ժողովուրդը: Համատեղ աշխատանքում, սոցիալիզմի համար մղած պայքարում, նրա պաշտպանության մարտերում ծնունդ առան դասակարգերի և սոցիալական խմբերի, ազգերի ու ազգությունների նոր, ներդաշնակ հարաբերություններ՝ բարեկամության և համագործակցության հարաբերություններ: Մեր մարդիկ զոհված են մարքս-լենինյան գաղափարախոսության, կոմունիստական հասարակարգի կառուցման վսեմ նպատակների ընդհանրությամբ»⁴:

Պատմաբանների խնդիրն է ուսումնասիրել սովետական ժողովուրդի՝ որպես մարդկանց պատմական նոր ընդհանրության առաջացումն ու զարգացումը:

Պատահական չէ, որ համագումարում մի շարք պատգամավորներ իրենց ելույթներում մեծ ուշադրություն էին դարձնում այդ պրոբլեմի վրա, շոշափում

⁴ Նույն տեղում, էջ 119:

դրա դիտական մշակման հետ կապված հարցերը նրանք իրավացիորեն նշում էին, որ բավարար չափով չեն լուսաբանվում ազգությունների մերձեցման, սովետական ժողովրդի, որպես մարդկանց պատմական նոր ընդհանրության, ազգային հարաբերությունների զարգացման պրոբլեմները: Իրանց նվիրված, հարուստ փաստական նյութերի հիման վրա ընդհանրացված ու փաստարկված աշխատությունները կնպաստեն գաղափարական աշխատանքի հետագա ուժեղացմանը, աշխատավորության ինտերնացիոնալ դաստիարակությանը, սուր ղեկը կհանդիսանան գաղափարական հակառակորդների դեմ մղվող պայքարում:

Համագումարի նյութերն ու որոշումները պատմաբանների առջև խնդիր են դնում հանգամանորեն ուսումնասիրել ինտերնացիոնալ կապերի զարգացումը մարդկանց պատմական նոր ընդհանրության առաջացման պրոցեսում, բանվոր դասակարգի սոցիալիստական շահերի և կոմունիստական գաղափարների բազայի վրա, սովետական հասարակության միասնության ամրապնդման մեջ: Տվյալ թեմատիկային նվիրված աշխատություններում հատուկ տեղ պետք է տրվեն մշակույթի և մշակութային փոխադարձ կապերի պատմությանը: Պետք է ավելի լայն լուսաբանվի ռուս ժողովրդի, առաջին հերթին ռուսական բանվոր դասակարգի դերը միութենական հանրապետությունների կյանքում սոցիալիստական ազգերի առաջացման մեջ, ՍՄԿԿ-ի լենինյան ազգային քաղաքականության հետևողականորեն կենսագործման ասպարեզում:

ՍՍՀՄ-ի կազմակերպման 50-ամյակի կապակցությամբ մեր պատմաբանները պետք է ստեղծեն արժեքավոր աշխատություններ, որոնցում ցույց տրվի նրա տեգր համաշխարհային պատմության մեջ, նրա ազդեցությունը ՍՍՀՄ-ի ժողովուրդների ձևակառուցիչ և մարդկության զարգացման ընթացքի վրա:

Սոցիալիստական դեմոկրատիայի զարգացումը ևս պահանջում է ավելի համակողմանի ուսումնասիրություն: Անհրաժեշտ է պատմաբանների ուշադրությունը բեռնել սովետների, պետական կառավարման մյուս մարմինների և աշխատավորների մասսայական կազմակերպությունների, առաջին հերթին արհմիությունների և կոմերիտմիության պատմության վրա:

Կուսակցությունը լուրջ նշանակություն է տվել մեր պետության պատմության ճիշտ, օբյեկտիվ լուսաբանմանը, — ասված է հաշվետու ղեկուցման մեջ, — սուր, արդարացի քննադատության ենթարկվեցին սովետական ժողովրդի պատմական ուղին ոչ կուսակցական, արտադասակարգային դիրքերից դնահատիլու, նրա սոցիալիստական նվաճումների նշանակությունը նսեմացնելու առանձին փորձեր: Միևնույն ժամանակ կուսակցությունը ցույց տվեց այն դոգմատիկ պատկերացումների սնանկությունը, որոնք անտեսում են վերջին տարիներս մեր հասարակության կյանքում տեղի ունեցած դրական մեծ փոփոխությունները: Անցած տարիների փորձը համոզիչ կերպով հաստատեց, որ անհատի պաշտամունքի հետեանքների, ինչպես նաև սուբյեկտիվիստական սխալների հաղթահարումը բարերար կերպով անդրադարձավ երկրի ընդհանուր քաղաքական և ամենից առաջ գաղափարական իրադրության վրա: Մենք հավատարիմ ենք եղել ու հավատարիմ կմնանք մարքսիզմ-լենինիզմի արմատական սկզբունքներին և երբեք ոչ մի զիջում չենք անի գաղափարական հարցերում»⁵:

Ղեկավարվելով այս սկզբունքով, մեր պատմաբանները քաջ գիտակցում

⁵ Նույն տեղում, էջ 162:

են, որ մեր հայրենիքի պատմության խոր գիտական, կուսակցական-դասակարգային դիրքերից լուսաբանումը հսկայական նշանակություն ունի աշխատավորների կոմունիստական դաստիարակության, նոր մարդու ձևավորման համար:

Անող սերնդին հայրենասիրության ոգով դաստիարակելու գործը նույնպես մեր պատմաբանների կարևորագույն խնդիրներից է:

Մարքսիստական-լենինյան տեսության անաղարտության համար պայքարը աչքի առնելով «ձախ» ռեզիդենտի, դոգմատիզմի և սուբյեկտիվիզմի դեմ շարունակում է մնալ պատմաբանների առաջնահերթ խնդիրներից մեկը:

Համագումարում ամենայն սրությամբ դրվեց բուրժուական գաղափարախոսության, ազգայնամոլության դեմ անողոր պայքարի ուժեղացման անհրաժեշտության հարցը, քանի որ բուրժուական գաղափարախոսներն ու պրոպագանդան օգտագործում են ազգայնամոլական միտումները:

Պատմաբանների խնդիրն է ավելի անողոր պայքար ծավալել բուրժուական պատմագրության դեմ, ժամանակին վճռական հարված տալ սովետական հասարակության պատմության, սոցիալիստական դեմոկրատիայի, ՍՍՀՄ խաղաղասիրական արտաքին քաղաքականության նկատմամբ բուրժուական պատմագրության ոտնձգություններին և մերկացնել նրա կողմից ժամանակակից կապիտալիզմի շատագույն բուրժուական փորձերը:

Հաշվետու զեկուցման մեջ կարևոր դրույթ է առաջ քաշված այն մասին, որ ազգային-աղատագրական պայքարը շատ երկրներում փաստորեն սկսել է վերածել ինչպես ֆեոդալական, այնպես էլ կապիտալիստական հարաբերությունների դեմ: Պատմաբանների խնդիրն է ուսումնասիրել ժամանակակից ազգային-աղատագրական շարժման տարբեր ձևերն ու միտումները, բացահայտել սոցիալիզմի, համաշխարհային կոմունիստական, բանվորական և ազգային-աղատագրական շարժումների դեմ՝ իմպերիալիստների պայքարի ձևերն ու մեթոդները:

Պատմաբանները պետք է շարունակեն և ավելի հանգամանորեն վերլուծեն ժամանակակից կապիտալիզմի զարգացման նոր երևույթները, աշխարհի ոչ սոցիալիստական մասի զարգացման վրա համաշխարհային սոցիալիստական սիստեմի ազդեցության ուղիներն ու ձևերը:

Համաշխարհային ասպարեզում կապիտալիզմի և սոցիալիզմի ուժերի հակամարտությունը, ինչպես նաև հեղափոխական ուսմունքը ամլացնելու, սոցիալիստական և կոմունիստական շինարարության պրակտիկան խեղաթյուրելու՝ զանազան տեսակի ռեզիդենտների փորձերը մեզանից պահանջում են այսուհետև ևս ավելի մեծ ուշադրություն նվիրել տեսության պրոբլեմներին, նրա ստեղծագործական զարգացմանը:

ՍՄԿԿ XXIV համագումարը հզոր խթան հանդիսացավ հայրենական և համաշխարհային պատմության խոշոր պրոբլեմների մշակման համար, լուրջ խնդիրներ դրեց պատմաբանների առաջ: Կասկածից վեր է, որ մեր պատմաբանները ջանքեր չեն խնայի իրենց աշխատություններում իրականացնելու կոմունիստական կուսակցության ցուցումները, այսուհետև ևս կուսակցական դիրքերից կուսումնասիրեն և կլուսաբանեն մեր ժողովրդի և հայրենիքի անցյալն ու ներկան, իրենց ուշադրությունը կկենտրոնացնեն կոմունիստական շինարարության և նոր մարդու դաստիարակման առաջնահերթ խնդիրների վրա: